

Odluka kojom se mijenja i dopunjava “Zakon o telekomunikacijama” Republike Srpske

Koristeći se ovlaštenjima koja su mi data članom V Aneksa 10. (Sporazum o implementaciji civilnog dijela Mirovnog ugovora) Općeg okvirnog sporazuma za mir u Bosni i Hercegovini, prema kojem je visoki predstavnik konačni autoritet u zemlji za tumačenje navedenog Sporazuma o implementaciji civilnog dijela Mirovnog ugovora; i posebno uzevši u obzir član II. 1. (d) istog Sporazuma prema kojem visoki predstavnik “pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa implementacijom civilnog dijela”;

Pozivajući se na stav XI. 2. Zaključaka sa konferencije Vijeća za implementaciju mira koji se sastao u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru visokog predstavnika da iskoristi svoj konačni autoritet u zemlji za tumačenje Sporazuma o implementaciji civilnog dijela Mirovnog ugovora da bi pomogao u iznalaženju rješenja za probleme, kako je prethodno rečeno, “donošenjem obavezujućih odluka, kada to bude smatrao neophodnim,” u vezi sa određenim pitanjima, uključujući (u skladu sa podstavom (c) ovog stava) i “druge mjere u svrhu obezbjeđenja implementacije Mirovnog sporazuma na čitavoj teritoriji Bosne i Hercegovine i njenih entiteta”;

Konstatirajući da je zbog postojanja potrebe za sveobuhvatnim sistemom pravila i propisa za sektor radio-televizije visoki predstavnik 11. juna 1998. godine donio Odluku o uspostavljanju Nezavisne komisije za medije;

Podsjećajući na preporuke Vijeća za implementaciju mira od 23/24. maja 2000. godine, kojim se visokom predstavniku povjerava da obezbijedi da se na nivou države u veoma kratkom roku uspostave regulatorni mehanizmi za telekomunikacije i medije, da ni na jednom nivou vlasti ne dođe do dvostruke nedležnosti ili sukoba nadležnosti, kao i da upozori strane na potrebu da podstiču razvoj funkcionalnih i demokratski odgovornih zajedničkih institucija;

Podsjećajući da je 2. marta 2001. godine visoki predstavnik donio Odluku (Službeni glasnik Bosne i Hercegovine 8/01, Službene novine Federacije Bosne i Hercegovine 11/01 i Službeni glasnik Republike Srpske 12/01) o spajanju nadležnosti Nezavisne komisije za medije i Regulatorne agencije za telekomunikacije čime je uspostavljena Regulatorna agencija za komunikacije;

Nadalje podsjećajući da je stvaranje jedinstvenog ekonomskog prostora od primarne važnosti za privredni rast i razvoj Bosne i Hercegovine i da je Savjet za implementaciju mira istakao u svom komuniqueu od 1. februara 2001. godine da je "potrebno povećati dinamiku ekonomskih reformi" jer su "privatne investicije ključni preduvjet za zaustavljanje produbljivanja ekonomske i socijalne krize u Bosni i Hercegovini";

Konstatirajući da je danas stupio na snagu Zakon o komunikacijama Bosne i Hercegovine koji pruža zakonski i institucionalni okvir za reguliranje zajedničkih i međunarodnih sredstava komunikacija na cijelom području Bosne i Hercegovine;

Nadalje konstatirajući da Zakon o telekomunikacijama Republike Srpske predviđa nadležnosti koje su u suprotnosti sa Zakonom o telekomunikacijama Bosne i Hercegovine;

Uzimajući u obzir sve gore navedeno, ovim donosim slijedeću odluku:

ODLUKA

kojom se mijenja i dopunjava "Zakon o telekomunikacijama" Republike Srpske (Službeni glasnik Republike Srpske 19/96) tako što se stavljaju van snage članovi 1- 34., 38., 40 – 51., i 56 – 131. Zakona. Zakon u daljem tekstu, koji je sastavni dio ove Odluke, stupa na snagu u skladu sa članom 2. ove Odluke, na privremenoj osnovi sve dok ga zakonodavni organ Republike Srpske ne usvoji u odgovarajućoj formi, bez izmjena i dopuna i bilo kakvih uslova. Ova Odluka stupa na snagu odmah i biće objavljena u Službenom glasniku Republike Srpske i u Službenom glasniku Bosne i Hercegovine.

21. oktobar 2002.

*Visoki predstavnik
Paddy Ashdown*

ZAKON O IZMJENAMA I DOPUNAMA

ZAKONA O TELEKOMUNIKACIJAMA

REPUBLIKE SRPSKE

Član 1.

Članovi 1 – 34., 38., 40 – 51., i 56 – 131. Zakona o telekomunikacijama Republike Srpske se stavljaju van snage.

Član 2.

Ovaj Zakon stupa na snagu 21. oktobra 2002. i biće odmah objavljen u Službenom glasniku Republike Srpske i Službenom glasniku Bosne i Hercegovine.